

Күч-көлснэ ик өргмдж

ПРИЮТН. Хальмг АССР-н Деед Советин депутатрин кандидатирт эн районос заагддж темдглгдцхэсн улс эврэннь суньгбачирларн ода харгьлгь кеджэцхэнэ. Харгьдж иигдж чирэцдж, нүүрцдж күр-күүндвр келгьн, олд цуг күч-көлсчирин омг, эднэ шунлтинь бөд-лүлгч хургуд болдж тусджана.

Олна зарц болгч депутатрин кандидатир, эн ним олна хургуд деер, бий деерэн бас даалгьврта төрмүд даадж авчацхана. тедү мет суньгбачирин бийснь бас олна эдлаху, социальн-культурн тосхлтин төрмүд күцэглгьэр чидлэн арвлл уга, цуг бээсн эв-аргьарн көдлцхэх болдж амн үгэн өгчэцхэнэ.

1958 джилин октябрь сарин 7. Суньгьврин 17-ч номертэ Южн округин суньгбачир эврэннь кандидатларн харгьх хурган хурдж ирцхэв. Приютненск РТС-н у, ик гер. Эн хургт олд улс ирцхэв.

Эн округас заагддж темдглгден кандидатин тускар иткл дааджах күн Михаил Анатольевич Гордеев, депутатрин кандидатд заагден Филипп Алексеевич Яшкулевин тус-

кар амтнд цугтаднь медгдмэр иин тодрха кевэр, төрдж-үүддж гарснаст нааран, ода күртл эн ю үзсн болна ямаран джиргьлтэ-бээдлтэ йовсн болна, олд ачта-туста ямаран көдлмш кедж-күцэдж йовсн болна. тер тоотинь цугтагьинь темдгддж заадж келчкэд: — үр Яшклев, о л н мана седкл-уха гундашго, даалгьсн даалгьвриг күцэдж чадх күн — гидж үр Гордеев келсн үгэн төгсэв.

Үр Гордеевин келсн үгэвта үнн үг. Яшкелевин кандидатиг заадж темдгллгьн мел чик болджана гидж, терүг дөнъндж босдж үг келцхэсн: Приютненск РТС-н электрик үр Карамышев К., эн РТС-н көдлмшчир Гурьянов С., Говрванников А., Заболотный В. болн нань чигн улс, депутатрин кандидат үр Яшкелевд даалгьвр өгцхэв. Хальмг АССР-н Деед Советд суньгьвр кеджх өдр—эн джилин октябрин 19-д аргьар нег күн мет, амтнэ даалгьвр күцэдж чадх үр Яшкелевин төлэ дуугьан өгцхэхмн гидж хург суньгбачириг дуудв.